



Sabtu, 16 Oktober 2021
Ogen: Rut 1:19-22



Ibaba Tuhan Aku Mulih



Naomi ras Rut, dua kalak diberu si enggo pernah ngenanami geluh si dem i bas kebayaken, keriahen, dengen tading i kuta kalak sideban. Ia kalak si termurmur, dengen ipehaga kal. Emaka senang, meriah ukur dengen malem ate. Sendalanan ras perdalanan wari, i bas sada paksa ialakenna sada situasi si erbahanca mberat kal akapna. Perbulangen Naomi ngadap kempak Dibata, bage pe anak-anakna. Ngalaken perbeben si bagenda rupana cukup mberat sabap ikataken mbalu dengen anakna si enggo mate pe langga lit pupusna. Alu kata sideban langa lit sinusurna. Janah enda me perbeben si mberatna i bas paksa si e. Ikataken mbalu dengen la lit sinusur. Naomi pe ras permainna Rut mulihken mulih ku kuta kemulihen perbulangenna. Mulih ku kuta perbulangenna, erbahanca ndarat ranan kalak sideban "payo kin enda Naomi?" Naomi pe ngaloi maka gelarna lanai Naomi tapi mara. Sabap ia ndatken perbeben si mesangat. Naomi ngejapken ate mesui i bas penadingken perbulangen ras anak-anakna; lanai lit ertana; la lit sinusurna. Dibata maba ia mulih ku Betlehem alu la maba kai pe (*tanggan kosong*). " Janah la pernah lit i bas perukurena maka enda me bena-benana ia ngaloken kesangapen. Adi si oge kitab Rut maka kedungenna ia jadi nini raja si mbisa e me Daud ras sinusurna.

Bagenda me cara Dibata si la pernah terukuri manusia jadi i bas kegeluhenta. Melala perbeben si jadi ku bas geluh enda. Mari mulih kempak Tuhan, ikuti dalam situduhkan Tuhan janah teklah maka i bas Tuhan si mberat e pe banci jadi pasu-pasu (*berkat*) ibahanna. I bas paksana pasti jadi menahang, bage pe i bas wari ulang Tahun Moria enda, ibabai kita tetap mulih kempak Dibata segelah megegeh kita ndalani kegeluhen enda alu tetap ngasup ngataken bujur.